

四庫全書

子部

欽定四庫全書

六藝之一錄卷一百二十三

錢唐倪濤撰

石刻文字九十九

沙州碑錄

唐宗子隴西李氏功德碑記

第一行剥落殆盡不可復識第二行亦僅存
數字其餘難辯共二十五行每行五十二字
然其間亦多空白處其第二行飛閣二字起

其文曰

飛閣□□□連依□□□居□出□□□□□一川
星懸□鍾□□□□發靈仙鬼□徃徃而在屬以賊臣
□□□□□□□□暴殄天物東自隴坻舊陌走
狐兔之羣西盡陽關遺邑聚豺狼之窟□木夜警扣門
畫扁塔中委塵禪處生□時有住信□朝散大夫鄭王
府諮議隴西李太賓其先指樹命氏紫氣度流沙之西
□山騰芳□名感懸泉之下時高射虎人望登龍開國

西涼稱藩東晉諮議即興聖皇帝十三代孫遠派天分
世濟其美靈根地植代不乏賢六代祖寶隨便持節侍
中西陞諸軍事鎮西大將軍領口西戎校尉開府儀同
三司沙州牧燉煌公玉門西封邑三千戶曾祖達皇燉
煌司馬其後因家焉祖操皇大黃府車騎將軍考奉國
皇昭武校尉甘州和平鎮將早逢昌運得展雄材一命
是凌雲之資百齡懷捧日之慶垂篠布口口口弓裘築
室連閭里成冠蓋難兄令弟卓然口口之賢翼子謀孫

宛爾保家之主諮議天授純粹神假正直交游仰其信
鄉黨稱其仁義口深沉酌而不竭道氣虛遠感而遂通
嘗以為口江海者難測其深淺望乾坤者不究其方圓
況色空皆空性相無相豈可以名言悟豈可以文字知
夫然故方丈小室默口口不二之妙智度大道法爾表
無念之真以其虛谷騰聲洪鍾應物所以歷魔宮仙坼
佛日天口愛水朝清昏衢夜曉一音演法四衆隨口口
解口珠密傳心印凡依有相即是所依若住無為還成

有住由是巡山作禮歷險經行盤□□軒檻□斷□
削有地締構無人遂□□工百堵興役奮鎚輦壑揭
石眎山素涅盤像一鋪如金輪菩薩不空罽索菩薩各
一鋪□報恩天□□普賢菩薩文殊師利菩薩□□師
西方淨土千手千眼觀世音菩薩彌勒上生下生如金
輪不空罽索等變各一鋪賢劫千佛一千軀初坏土塗
□布彩錯豁開石□□現金容本自不生示生於千佛
今則無滅示滅於雙林考經尋源備物像設梵王□世

佛母下口如口聖輪圓轉三有不空妙索維持四生人
其報恩天則請問六牙象寶口紫佩以棲真五色獸王
口青蓮而捧聖十二上願列於淨刹十六觀門開其東
土大口來儀於鷲嶺慈口降跡於龍華不休哉千佛分
身聚成沙界八部敷衆重圍鐵山希夷無聲悉宰欲動
爾其簷飛雁翅砌盤龍鱗雲霧生於戶牖雷霆走於階
陛左口平陸目極遠山前流長河波映重閣風鳴道樹
每韻口空之聲露滴神池更證清淨之趣時節度觀察

處置使開府儀同三司御史大夫蔡國公口口道治生
知才膺命世清明內照英華外敷氣邁風雲口懸日月
文物居口口口重武威口節鉞之雄括囊九流主持口
信爰因蒐練之暇以申禮敬之誠揭竿操口闔戟以從
蓬頭胼胝傍載口口熊羆啓行鵷鸞陪乘隱口軫口陽
谷口口而至於斯窟也層軒九口複道一帶前引簫口
上千雲霓雖以身容身投迹無地而舉足口足登天有
堦目窮二儀心口三界有若僧政沙門擇靈悟法師即

諮議之口弟也戒珠圓口心境朗徹學探萬偈辨折千人出火宅於口乘破空遺相口化城於四口虛往口口於是引兄太賓弟朝英姪子良子液子口等拜手於階下法師及姪僧志融歛口於堂上曰口口主君恤口求瘼戡難濟時井稅且均口財自給是以傍開虛洞橫敞危樓將以翼大化將以福先烈休庇一郡光口六親况祖孫五枝圖素四剎堂構免墜知厥無慙非石何以表其口非文何以紀其遠且登高能賦古或無遺遇物斯

銘今豈遐棄紛然遞進來以求蒙蔡公乃指精口而口
愚曰操斧伐柯取則不遠屬詞比事固可當仁恭仰指
口以俯就誠懇敢口口口狂簡庶彷彿於真宗

建立歲月書撰姓名俱闕

沙州千佛洞唐李氏再脩功德碑

碑額篆書十二字曰唐宗子隴西李氏再脩
功德記碑文首一行漫滅自第二至第二十
六行雖有剥落猶可讀其文曰

□□歸唐□右散騎常侍英髦驤□□□□皆以稽
古微言留心儒素或登華第更高拔□之名又戰□堂
每中甲科之的雖云流陝居戎而不墜箕裘暫□□
□□猶次將軍之列子既承恩鳳闕父乃擢處貂蟬朱
門不媿於五侯樹戟崇隆於貴族至於源分特秀門繼
簪裾家承九錫之枝流派祥雲之肩時遭西陲汨沒□
□至德年中十郡土崩殄絕玉關之路□□□□□
□□□□凡二甲子運偶大中之初中興啓運□□□

□□□□□□□□是金星耀芒之歲皇化溥洽通乎
八紘遐占雪山綿邈萬里府君春秋纔方弱冠文藝卓
犖進止規常迥然獨秀時則妻父河西隴右一十一州
節度管內觀察處置營田支度等使金紫光祿大夫特
進食邑二千戶實封三百戶賜紫金魚袋南陽張公諱
義潮慕公之高望藉公之文武於是乃為秦晉遂中伉
儷之儀將奉承祧世祚潘陽之美公其時也始蒙表薦
因依獻捷親拜彤庭宣宗臨軒□□所以公具家諫面

奏玉階上亦冲融破顏羣公愕視乃從別勅授涼州司馬檢校國子祭酒兼御史中丞賜紫金魚袋錫金銀寶貝詔命陪臣乃歸戎幕口口餘載河古麾戈拔幟抉囊龍韜盡展克復神鳥而一戎衣殄勦寇於河蘭馘獯戎於瀚海加以隴頭霧卷金河浪湍瀨之波蒲海泉鯨流沙弛列烽之患復天家口口孫致唐堯之壽域晏如也百城口口口口無拜井之虞十郡豐登吏士賀來蘇之政此乃三槐神異百辟稀功英雄半千名流萬古公又

累蒙朝獎恩渥日深方佩隼口用堅磐石勲猷未口俄
已云亡享齡五十有二終於燉煌之私第亡叔僧妙弁
在蕃以行高才峻遠適瞻依名達戎王贊普追召特留
在內兼假臨壇供奉口口口口口口口口持談柄海辯吞
流思洽燉煌庇麻家并高僧寶月取以為儔僧叡餘蹤
扇於河隴亡妣汜氏太夫人龍沙鼎鼐盛族孤標庭訓
而保子謀孫軌範而承家建業清資不口薦累代而揚
名閭閥聯綿口口口口口口口口今乃逝矣佳譽存焉故府

君贈右散騎常侍生前遇三邊無警四人有暇於東臯
命駕□□□□□□□□□□傾誠謁先人之寶剎迴顧
粉壁念疇昔之遺蹤瞻禮玉豪歎紅樓之半側豈使林
風透闥埃塵寶座之前峻嶺陽烏曝露茶毗之所磴道
之南復有當家三窟今亦重修巨金華石□籀存焉於
是乃募良工訪其杞梓貿材運斧百堵俄成魯國班輸
親臨勝境雲霞大豁寶砌崇墉未及星環斯構矗立雕
簷化□巍峩不讓於龍宮懸閣重軒□□□□於日際

其功大矣筆何宣哉亡兄河西節度衙推兼監察御史
明達天與孤貞松筠比節懷文挾武有張賓之策謀破
敵擒奸得玉堂之口衍曾朝絳闕敷奏金鑾指畫山川
盡縱橫於天險□□□□□□□□□□□□□□□□□□□□
州錄事叅軍操持吏理六曹無阿黨之言深避四知□
□□□□□□□□□□□□□□□□□□□□□□□□□□□□
切慕乘鷗之咏□□□□□□□□□□□□□□□□□□□□
燉煌處士今古滿懷灑落卿雲之□□□□□□□□□□□□
先効義光騰喬
露之文五柳閒居慕逍遙於莊老□□□□□□□□□□□□

□□夫人南陽郡君張氏即河西萬戶侯太保張公第
十四之女溫雅暢淑德令聞深遵陶母之仁至切齊
眉之操先君歸覲不得同赴於京華外族流連□各分
飛於南北於是兄亡弟喪社稷傾淪假手託孤幾辛勤
於苟免□□□□□□□□所賴太保神靈奪恩
勦蕩重光嗣子再整遺□雖手勦大功而心全棄致見
機取勝不以為懷乃義立姪男秉持旄鉞惣兵戎於舊
府樹勲績於新墀內外肅清秋毫屏迹慶豐山踴呈瑞

色於朱軒陳霸動容歎□□□壯室四方嚮義信結隣
羌運籌不媿於梓潼貞烈豈慙於世婦間生神異成太
保之徽猷雖處閨門實丈夫之□□然心悟道□併棄
樊龍巡禮仙巖彫圖□□於時□□□□□□□□
□頃捨青鳬市紫金於上國解瓔珞棄珠玕銷金鈿於
廊廡運虛索於庭際乃得王豪朗耀光衝有頂之峯寶
相發揮直抵大羅之所長男使持節沙州諸軍□□沙
州刺史兼節度副使檢校右散騎常侍御史大夫上柱

國弘愿輔唐憂國政立祥風忠孝頗懇於君親禮讓靡
忘於伯□六條布化千里隨車人歌來暮之□□紹龔
黃之績次男使持節瓜州刺史墨離軍押蕃落等使兼
御史大夫弘定文武全材英雄賈勇晉昌要險能布頗
牧之威巨野大荒屏盪匈奴之迹挾纊□□□士卒泯
燧不媿於襄陽□□□□□□□□□□都河自注神
知有道之君積貯萬廂東郡著雕金之好□□□□□
□□□□□□次男使持節甘州刺史兼御史中丞上

注國弘諫飛馳拔拒唯慶忌而難儔□□□楊非由基
而莫比洎分符於張掖故恤惇孤布皇化於專城懸魚
發詠次男朝議卽前守左神武軍長史兼侍御史弘益
三端俱備六藝精通工書有□□□□□札連芳於射
戟□□特達文雅□□於時豐年大稔星使西臨親抵
燉煌頒宣聖旨內常侍□□□□□玉裕□□克珣
副師大夫稱齊□□□□大夫□忠回偕□□□□□
密梓材遐耀天威呈祥塞表因鑿樂石共紀太平余所

不口口然狂簡

年歲在甲寅拾月庚申朔五日甲子

右至狂簡字其文已完後特記年月攷甲寅歲昭宗
乾寧元年也後尚有二行俱剥落隱隱見官號字較
密於前然多不可識矣按此碑所謂涼州司馬檢校
國子祭酒兼御史中丞者姓李氏唐之宗族名闕不
可考其妻父則唐歸義軍節度使張義潮也考唐史
義潮降唐在宣宗大中五年發兵略定河西十郡令

其兄義澤奉圖籍以獻宣宗因於沙州置歸義軍以
義潮為節度使鎮之咸通四年克復涼州八年朝京
師文中叙李君戰功雖涉鋪張然大約從義潮與有
勞績者至再修功德味其文義蓋李氏之先曾於千
佛巖建有寺宇李君之父贈右散騎常侍者重為修
整後李君之妻義潮女南陽郡君又於巖窟繪畫佛
像故云再修因作此記備載李氏三世官閥政事及
修寺梗槩刻石置洞中今寺已久湮而圖畫極工以

不見風日金碧粉墨之色不變與此碑同為塞外舊
觀也重閣汪德容記

王阮亭池北偶談

誌公碑

常白山醴泉寺誌公碑唐開元乙卯立文作
齊梁體可辨者十之三書法圓勁在歐虞間
每行凡七十九字其下多斷齧不存其碑陰
乃誌公像也碑可辨者錄於此

大唐齊州章邱縣常白山醴泉寺誌公之碑

□□京大薦福寺奉敕□慶□綴文沙門玄傘

闕五字

薦福寺□□翻經院校勘沙門正智寺都維□僧道

寂建此寺

闕三十字

□□曇花未出庸詎知寂滅之名覺日

猶□曷嘗識苦空之相□夫金儀下降含靈□淨月之

光寶教旁流□□□雲之潤三車□駕

闕二十九字

化工

闕三字

香不息所以化身周流於別土神□□□於塵沙

或十大聲聞駐形□□一方菩薩納景涼臺觀□背嶺

以宣慈清辨起

闕二十
六字

未掩白足

闕二
字

佛法之

闕三
字

月

口咸王城之舍蓋口生口道口境發口若不人口具

闕
四

字諦幢高口者與今此醴泉寺者是宋齊

闕二十
八字

經文

師即口口身之菩薩口遊神境來屆茲山棲託囑阿聿

修禪寂以為此地玄武之分青龍口口口口首以開疆

據天齊而劃野却

闕二十
六字

尚父之口居九合一匡齊桓

公之霸國爾其常白山者廼摩天口地掩映蔽虧抱泉

石以娛神出雲霞而養性山毛地髮名花將軟草連芳

關二十
九字

人

關二
字

繪

關二
字

形勝

關二
字

招提自後七級崇圖

口起舍佉之口五層口口重標戰勝之門海目山亭妙

相殫於變態虹

梁鳥革大壯

關三
十字

綵畫

關二
字

塵凡

關二
字

香

關一
字

水調八解之口風口五音之說息心之輩見流

注以超昇迴面之徒仰幽關而悟入時逢

關二
字

代屬

關三
字

十二

金林玉口寥落幽巖我國家灌頂四天纂圖千帝

以佛乘為烏馬用道品為城郭八方起塔口口道形九

口聚鹽情殷

關三十
二字

佛

關二
字

此精廬口通堯日三齊族

姓向梵境以翹誠四履口口仰釋天而矯首又屬中宗

孝和皇帝龍興漢道入天經

闕二十
七字

周法界去景龍二

年歲次口子爰有齊州正智寺都維僧仁萬字道寂慨

茲墮墜抗表口宗天鑒至誠特賜名

闕三十
三字

否而還泰

山靈掩以重開法俗歡康人神口悅初師之行進表也

夢乘船上山及翌口赴朝所口無礙豈非興廢口定通

口懸期

闕二十
九字

倣裝東上將

闕二
字

州

闕二
字

三藏義淨法

師各代高僧天下重德先奉敕於大薦福寺

闕三
字

律以

闕六勝緣闕一城在東倍增闕二十四口降靈五口德

口人天之表名揚宇宙之間聖口難口神功巨測及將

命星發載達京闕十時有闕三十身闕二輟絃歌歲闕三

字即以二月八日親率合境老幼大會新寺表慶天恩

又於口口之口尊卑就列鴈行齊聽闕三十忽見有醴

泉口口口三四尺深淺三尺餘色淨味甘爰符瑞典

挹酌同飲咸覺蠲疴豈不以口福口圓三靈允答光揚

寶口滋液金場故闕二十上聞口口垂感有敕改名為

醴泉寺仍更拙入冊九僧住持行道自玄波再委口題

重開日殿赫而日昇月宮華而桂滿若乃

闕二十八字

海精

勤以齊深戒月澄空口口密霧禪燈焰室巧避輕風濯

口口之龍口洗毗口之鳥眼長袂五住遠効四心刷牙

鴈以飛雲轡

闕二十
七字

捨生之地續桂口口有情根軌足

方口鳴金鼓口功不朽流福無窮斯竝先帝之本願莊

嚴法師幽贊威神之所致也又師遊戲生死示

闕二十
五字

儼如親對即平時所將黑犬亦繫具口口厥口口無願

不從迺至有患心痛者但取廟前少土和水服之應時

便愈遺形是託神靈保持由是

闕二十
五字

梁史傳師本俗

姓朱氏金城人也少出家口口道林寺僧儉法師為和

上業存禪口宋太始初漸彰異迹居止不定飲食無時

長髮跣足每

闕二十
七字

詞同讖記言不虛發應驗如神或

口視通於北口分形遍於南國竒怪忽恍不可殫論以

天監十三年歲次甲午十二月八日

闕二十
九字

相奄然示

終時有異香口口芬馥特敕厚加殯送葬於金山獨龍

阜仍於墓所口開善精舍敕陸倕製銘於冢內王筠勒

碑於寺陰

闕二十
六字

生及其去也以精靈度物哀憐庶類

福祚皇王且彼依鍾山此依常白彼葬龍阜此口龍臺

前王挹風建開善之墳後帝傾口口醴

闕二十
五字

至今大

唐太極元年歲次壬子皇帝御天下之三載凡一百九

十九年化化之緣古今無盡明明之德日月彌新其所

變現之梗槩

闕二十
七字

之口衆所未諒恭敬者隨時受福

疑慢者應念立徵事迹繁夥不可備載當嘉聲上徹先

帝令左臺監察御史宋務先親加檢覆

關二十八字

八正所

以知歸一屬口緣獲未曾有口口復命倍沃天心刺史

楊元禧分符北極露冕東藩口雨逐於行車仁風隨於

轉扇黃金

關二十八字

追鳥跡於上乘想

關六字

繩寶地口動

天宮薦瑞香園延光帝載縣丞主簿縣尉口舍

關四十三字

羣物揚舲彼岸錄事口口鄉口等門滋蘭口口口芽

忠信滿於州閭因果口於口口口口虔命口奉

關三十六字

九地荷於津通貝樹披春帝王之遺文秩矣金口口口

諸佛之正道通矣迷津口路菩薩運載之乘行矣

闕八字

之闕二十况玄天大造充溢於盡空淨域鴻緣牢籠於

七字

無外昔迦口口口如來垂讚歎之口彌勒當口口口表

歌揚之倡若稽古訓式樹口碑仍於

闕二十
七字

銘曰義天

兆昧優花未披但迷五蘊孰辨三伊口口火宅耀我金

儀神足繼軌口口揚蕤

其一

口口有口成觀方口口戴表

靈口口開

闕二十
七字

網燬我寶地壤我金場花殘鷺沼煙

輟龍香霞標歇滅石徑荒涼

其三

萬寓乘皇千齡纂帝日

月連口飛行口契口念新

關五字

高

關二十字

精標五門玉

墀俶感銀口與存

其五

欲赴天泉

規國德寄誠墳廟傳

詞翰墨瑞醴通流嘉祥允塞重光佛口口題宸極

其六口

紺軒加

關二十八字

沙

其七

先帝聖靈聿資神境冥扶默贊分

形散影既墓彼山又墳茲嶺寶鐸雙振金繩共柄化口

口口真身永永

其八

功口泉

關五字

天

關二十字

宣聞諸典故

鐫金鏤玉道該緇素式讚王猷口口淨度勒像賢刼刊

碑覺路

其十

開元三年歲次乙卯二月己酉朔十五日癸

亥

闕下

景範碑

鄒平縣西南五六里有小山曰相公山山前有相公墓墓上有碑雖闕文尚可讀近于奕正作天下金石志亦未之載錄於左云

大周故銀青光祿大夫中書侍郎同中書門下平章事上柱國晉陽縣開國伯食邑七百戶贈侍中景公神道碑銘并序

翰林學士朝議郎尚書水部員外郎知制誥柱國賜
緋衣袋臣扈載奉敕撰

翰林待詔朝議郎守司農寺丞臣孫宗望奉敕書

帝軒轅乘土德之運其臣曰奢龍祝融能辨方域以制
區夏帝鳩氏禪陶唐之基其臣曰伯夷后夔能典禮樂
以和人神上古佐命之道

闕五字

焉三政嗣興國史寔盛

彌綸輔翼代有其人皆金策丹書絢績功業垂其訓聚
而為墳典形其美流而為歌頌陋篆籀之質略我則潤

之以

闕五字

之淪朽我則鏤之以貞珉銘以紀功碑以誌

行千載之下粲然可觀者其唯神道之表乎故中書侍

郎平章事景公諱範皇朝元佐

闕二字

顯德二祀冬十一

月薨於淄川郡之松第天子廢視朝軫殲奪之念制贈

侍中遣使贈奠飾終之典優而厚

闕二字

詔詞臣口文曰

琰盛矣

闕三字

孔曄彝鼎不出廟門杜預豐碑空沈漢水

姑自矜於名氏誠未顯於邦家與夫輝煌帝恩導揚休

烈

闕八字

者可同日而語也

闕六字

綸有直而叙之用丕顯

我大君之命臣聞景氏之先出於芊姓從楚王於夢澤

差口侍臣書漢將於雲臺丹推名將濟美垂

闕六字

生偉

人維周之輔長山之下淄濟為川地勝氣清惟公故里

夫嘉遁絕世高卧於是者足以口顯氣而為

闕七字

生於

是者足以

闕三字

而為世傑故公之先由烈考太僕府君

之上曰王父賓大王父閏皆貞晦不仕介享天爵而巢

許

闕十
三字

仲曰篆公

闕四
字

世

闕二字

聿登相位而申甫

之祥著矣昔者聖人之教天下也本之以仁義制之以

經籍是謂人文是謂人

闕六字

以口開物成務者

闕四字

所

於此

闕二字

以公輔之位必由稽古升廊廟之才必以經

術顯而公以明經擢第於春官氏則賢哲之

闕六字

為吏

於清揚

闕十一字

掾於高密郡秩滿而口授范縣令大鵬之

翼鍛北溟以未舒蟄雷之聲殷南山而不口然則

闕七字

干之

闕十五字

通人之才變而順則方圓之量不能局故公

之佐縣政也人謂其勤且潔矣典刑書也人謂其

闕八字

邑恪口以

闕八字

使口政口而從入者則人謂其賢且能

矣粵若日月之彩得天而大明風雲之期遇屯而勃起

闕十 礪溪口璜闕十 我大周聖神恭肅文武孝皇帝建

大功於漢室為北藩於魏邦初筵既開得賢斯盛於是

我公闕九 而君臣之闕九 龍飛在天躬載曜靈至於霄

極皇業肇建制以公為秋曹郎進階至朝散大夫而闕九

字萬闕十 之樞惟聖人執左契臨萬邦經久制大命日

政之機國之大柄總於樞務者可謂重矣而公闕九 忠

而賢闕十 公為左司郎中充樞密直學士尋轉諫議大

夫克職今皇帝嗣位之時登用舊臣而并人乘我大喪

擁衆南寇親征之舉迅若奔雷分命大臣保釐

闕七字於

公仍拜戴卿

闕九字

振帝伐張黃鉞白旄殪羣亮而皆盡

參旗河鼓導清蹕以言旋大祫既已平九服又已定

闕四字

時惟輔臣而公昌言可

闕八字

聖謨碩望可以鎮流俗

爰立之命帝心允孚六府肇脩兵賦元大邦之調用

闕五字

公自立不回信而有守

闕十字

哉大運逢時洪鈞在手

資忠孝於君父享富貴之崇高而盡瘁之勞因成恙疾

封章疊上優詔褒稱聽解利權

闕一

專

闕七

以列卿歸

第懸車故鄉嗟風樹之忽驚訴蒼天兮何極見星而往

夕露方多泣血以居晨漿屢絕哀與性盡卧疾而終享

年五十有二

闕七

觀夫公之行事則其道也淳而粹充

充焉無能稱其言也直而肆謇謇焉無所忌耿介以自

立強幹以自口故其仕也口一命之卑口三

闕六

無悔

各古人之操何以尚也秉筆者得無愧於詞矣許國夫

人李氏嗣子太廟齋郎嚴信等口口口靈口光口口烝

嘗翼翼賢人

闕九字

子事終之禮佳城閉日長揪簣雲勒

銘垂休以示千古其詞曰

長白蒼蒼溜水湯湯哲人之生逢時會昌哲人之逝魂

遊故鄉口高山兮峩峩逝水兮驚波口而口死

闕九字

山

有顏阪水有高岸人何世而不新善有名兮獨遠猗歟

公兮時用丕顯

顯德三年歲次丙辰十二月己未朔十日戊辰

石敬瑭家廟碑

朱簡討云曾於廟市見五代石敬瑭家廟碑梁周翰撰文翰雖不甚工亦是古物惜未購之此碑石今不知所在

武侯廟碑

成都遭張獻忠之亂金石文字一無存者惟武侯廟碑尚完好蓋武丞相元衡帥蜀時裴柳二公皆在幕中寶元和四年己丑也碑首稱節度掌書記侍御史內供奉賜緋魚袋裴度撰營田副使檢校尚書吏部郎中兼成

都少尹侍御史賜紫金魚袋柳公綽書

禾山寺顏書

永新縣禾山寺傍有顏魯公書龍溪兩大字鐫於石壁
方廣徑丈數百年來石壁如故而二字每年輒徙下今
離地不二尺矣

左朝奉郎行秘書省秘書郎贈左朝請郎黃公
墓誌銘

觀文殿大學士左金紫光祿大夫江南西路安撫制

置大使兼營田大使馬步軍都總管兼知洪州軍州
事兼管內勸農使隴西郡開國公食邑四千四百戶
食實封一千七百戶李綱撰

公諱伯思字長睿父姓黃氏其遠祖自光州徙居閩中
為邵武人曾祖汝濟贈太師曾祖妣高氏贈相國太夫
人祖履任資政殿大學士左正議大夫提舉中太一宮
會稽郡開國公贈特進祖妣段氏封河南郡夫人考應
求任奉議郎饒州司錄事武騎尉賜緋妣王氏封僊源

縣君繼李氏封真寧縣君任氏封華容縣君會稽公由布衣擢高第以德行文學被遇三朝致位丞弼號為名臣公其適長孫也公天資警敏風度夷粹幼不好弄惟喜讀書日誦千餘言每聽會稽公講論經史公退與他兒言無遺誤者會稽公尤鍾愛之俾晨夕侍左右躬自訓導任為假承務郎嘗夢孔爵集於庭覺而賦之詞采甚麗識者知其為文祥也故左中大夫右文殿修撰贈太師衛國公李公夢會稽公之甥也於公為外伯父儒

學聞一時會稽公命公師焉種學績文根柢淵源益臻
壺奧年甫冠入太學與宿儒寒畯校藝屢占上游優等
與薦送遂過南省屬哲宗升遐徽宗諒陰不言詔罷廷
試公名在行間不得攄其素蘊會稽公將以恩例繼奏
俾增秩公固辭由是益奇之時朝廷方以宏辭取士公
將應其科肄業不輟屬會稽公薨公以毀得羸疾竟不
遂所志士論惜之初公未第前以銓試第一人調磁州
司法參軍久不之任至是改通州司戶丁內艱不赴服

除授河南府戶曹叅軍公平居篤志文史視世務邈然
不以經意其掾洛陽也衆謂會府劇曹難以稱職而公
應事接物游刃有餘不勞而辦洛陽故都素號衣冠藪
澤公以餘暇與其賢士大夫游從容翰墨間相得甚適
秩滿當受代少保莘國公鄧公洵武實司留鑰惜公之
去辟知右軍巡院公亦樂其山水人物之勝因留不辭
蓋留者又二年除詳定九域圖志所編修官兼六典檢
閱文字改京秩尋充監護崇恩太后園陵使司主管箋

表以修書恩陞朝列除秘書省校書郎既入館縱觀冊
府藏書雅愜所好耽玩至忘寢食再遷祕書郎在館踰
再考丁奉議公憂公性至孝自幼失母氏而真寧華容
君復相繼捐館舍執喪咸以孝聞至是不勝哀毀疾遂
以劇釋服至京師清癯骨立而嗜學不倦蓋如昔也復
除舊職不數月竟不起實政和八年二月二十六日享
年四十公遭會稽公之喪廣讀佛書恍若有悟遂篤好
之嘗作西方淨土發願記以述見聞及家世歸依之意

甚詳將沒之夕沐浴易衣西向修念佛三昧而逝家無
餘貲盈篋笥者書籍而已公體弱如不勝衣而風韻灑
落飄飄有凌雲之意遇人謙謹恂恂如不能言而高明
閎遠善著書揮毫數千言倚馬可待自幼學至強仕手
未嘗釋卷其所至雖假室暫寓必求明窗淨几圖史滿
前欣然處其間誦習述造皆有度程寒暑不易故其所
學汪洋浩博上自六經下至諸子百家歷代史氏之書
天官地理律歷卜筮之說無不精詣又好古文奇字官

洛下得名公卿家所蓄商周秦漢鍾鼎彝器款識研究
字畫體製悉能了達辨正是非道其始末遂以古文名
家在館閣時當天下承平無事詔講明前世典章文物
修輿地圖集鼎彝古器考訂真贋公以素學與聞議論
發明居多所著古器說凡四百二十六篇地志文字尤
富古器說悉載博古圖地志說見於九域圖志皆藏之
御府副在有司與同僚襄陽許翰尤相友善翰喜述作
所解太元諸書有疑義以就公質之是時士務浮競枝

辭蔓衍趣時好以取世資公獨退然無營寓意古道所
學最為絕俗文詞雅健格高而思深歌詩俊逸清新追
古作者蓋公之學問慕揚子雲文章慕柳子厚詩篇慕
李太白此自其平日所稱道也有東觀文集一百卷藏
於家公尤精小學凡字書討論備盡本朝淳化中博求
古法書命翰林侍書王著緒正諸帖公病其乖偽龐雜
作刊誤二卷考引載籍咸有依據而公之書正行草隸
皆精絕初放歐虞後乃規摹鍾王筆勢簡遠有魏晉風

氣得其簡牘者皆藏弃嗚呼昔之所謂好古博雅君子
與夫直諒多聞之益友者非公其誰當之公亦好道家
之言自號雲林子別字霄賓其再至京師夢人告之曰
子非久人間上帝有命典司文翰覺而書之冊不踰月
遂謝世其事頗與李長吉王平甫同亦異矣夫公自假
承務郎六轉至朝奉郎自磁州法掾六遷至秘書郎以
長子陞朝列追贈左朝請郎娶張氏左朝散大夫直龍
圖閣淮南路計度轉運使賜紫金魚袋根之女封太安

人男二人長曰詔右通直郎知福州長樂縣事次曰訥
右從事郎福建路安撫大使司準備差遣女一人適宣
教郎江南西路安撫制置大使司幹辦公事鄒相孫男
三人同寅惟寅見寅惟公之歿以宣和五年十月十八
日葬於鎮江府丹徒縣招隱山之麓距今十有七年方
葬時詔尚幼不克銘於墓大懼湮沒先德乃狀公平
生行事來請銘綱于公中表姻婭相與甚厚又公嘗從
先公太師學義不得辭銘曰

天地和氣清微淑靈山川炳煥草木敷榮公稟其秀瑞
時以生岐嶷之姿見自幼齡風神疑遠玉粹冰清溫良
端恪祖訓是承孔翠之祥乃以文鳴含英咀華休有俊
聲來游賢關令譽騰躍遂登儒科靡此好爵筮仕之初
於西邑洛簿書粗辦寓意寥廓發聞惟馨高步館閣縱
觀羣書得其所樂貫穿古今見聞日博沈酣耽玩心醉
於學根深華茂其詞如雲文章典雅詩句清新人皆寤
束我獨翫淪追古作者超類軼羣夏鼎周鼓鍾鐸彝尊

雲雷刻畫繚以繆文銘章歎識研究本根洞視千古別
其贗真下逮小學訂正精明字畫之妙晚臻老成有正
有隸有章有行鸞翔鵠峙為無不能兼資數器以大其
名身返不昌遽速殞零蘭摧桂折鳳去梁傾莫詰其由
歸於杳冥白玉樓成上帝有詔徃司文翰脫屣塵淖世
間夢幻孰非顛倒壽夭升沉竟亦何校京口之藏既安
宅兆十有七年星流電掃子孫方興天有顯報追作銘
詩萬古之告

元處士雲林先生墓誌銘

拙逸老人周南老撰

雲林倪瓚字元鎮元處士也處士之志業未及展於時而有可以傳於世誦其詩知其為處士而已蓋自詩法既變而以清新尚莫克究古雅處士之詩不求工而自理致冲淡蕭散尤負氣節見於國朝風雅而與虞范諸先輩埒今板行於世故弗論若處士之世系固不可無述也按倪之先漢御史寬之裔也十世祖碩仕西夏宋

景祐使中朝留不遣徙居淮甸占籍都梁為時著姓建
炎初五世祖益挈其家渡江而南至常州無錫僑梅里
之祇陀愛其地勝俗淳遂定居焉厥後族屬浸盛賢雄
於鄉高祖伋曾大父松皆厚德長者隱而弗耀大父椿
父炳勤於治生不墜而益隆母蔣氏處士嚴出也先生
生而俊爽稍長強學好修性雅潔而敦行孝弟率子弟
以田廬生產悉有程度有餘財未嘗資以為俚俗紛華
事其師羣昌王仁輔老而無嗣奉養以終其身歿為制

服執喪而葬焉若宦遊其鄉客死不能歸櫬者則割山地以安厝之見義則為不以兒婦人語解尊官顯人樂與之交於宗族故舊煦煦有恩尤喜周人之急神精朗朗如秋月之瑩意氣靄靄如春陽之和刮磨豪習未嘗為紆綺子弟態談辨絕人疊疊不倦好客之名聞於四方所居有閣名清閔幽迥絕塵中有書數千卷悉手所較定鼎彝名琴陳列左右松桂蘭竹香菊之屬敷紆繚繞而其外則喬木修篁蔚然深秀故自號雲林每風止

雨收杖屨自隨逍遙容與詠歌以娛望之者識其為世外人客至輒笑語留連竟夕乃已平生無他好玩惟嗜蓄古法書名畫持以售者歸其直累百金無所靳雅趣吟興每發揮於縑素間蒼勁妍潤尤得清致奉幣贄求之者無虛日晚益務恬退棄散無所積屏慮釋累黃冠野服浮游湖山間以遂肥遯氣采愈高不為諂曲以事上官足跡不涉貴人之門與世浮沉恥於街暴清而不污將依隱焉世氛頗淨復往來城市混跡編氓沉晦免

禍介特之操皦然不渝年既老而耳益聰目益明飲啖步履不異壯時氣貌充然其所養可知矣處士所著有稿句曲張天雨錢塘俞和愛之為書成帙藏於家洪武甲寅十一月十一日甲子以疾卒享年七十有四娶蔣氏先處士七年卒子二長詵孟民字也次孟羽號耕逸女三長適徐瑗次適陸頤幼為母舅蔣氏女孫男女若干人既以每年每月日奉柩葬於無錫芙蓉山祖塋之下而刻石識歲月且遵治命來徵銘余辱游於處士甚

久處士來吳嘗主余家山肴野蔌促席道故間規其所
偏未嘗愠見或吟詩作畫縱步徜徉今年秋仲留詩為
別而孰知遂成永訣乎余少處士七歲而將衰行將與
草木俱腐何足以任其託雖然詎可忽然忘言乎輒舉
其槩為銘以畀之聊以紓吾哀云耳銘曰

受才之美有其時昌賈不售卒不施依隱玩世與時違
安常處順全吾歸嗇不使祿昌載詩寢言歌之其聲希
沒而不朽惟在茲

元儒道川倪先生祠碑

賜進士出身奉政大夫吏科掌印給事中加三級宗後

學闕國璉撰文

賜進士出身文林郎翰林院編修加一級後學汪師韓

書丹

賜進士及第通奉大夫經筵講官戶部右侍郎加一

級後學梁詩正篆額

先王之制自天子至於官司皆有廟記曰君子將營宮

室宗廟為先居室為後唐侍中王珪不立私廟至為法
司所劾太宗優容之因官為營廟以愧其心此廟制之
通於古今上下者也惟庶人無廟王制云庶人祭於寢
朱子語錄或云今士庶人家亦祭三代非違禮歟曰雖
祭三代却不立廟未可謂之僭禮蓋古所謂廟體制甚
大皆具門堂寢室非如今人但以一室為之如朱子言
一室者凡居室皆曰寢也非專祀之廟也專祀之廟前
曰廟後曰寢是也是故廟之與寢尊卑不同制度亦判

若以居室為祠堂何異以寢為廟無乃不可乎國璉竊
為之說曰祠堂之與三廟二廟一廟其規撫不必盡合
也居室而空之以為祠堂其與庶人之僅祭於寢大小
廣狹又有間也廟非官師以上不得立祠堂則人人可
為特視其有力與無力耳有力而即已成之居室為方
新之祠堂其事甚便其費不煩而且無踰分僭禮之嫌
奚為而不可今者吾宗人之為祠堂以祀其祖也合於
古而不違乎時可謂斟酌最善者矣吾宗人之祖元儒

道川先生也先生姓倪氏諱士毅字仲弘朱子再傳高弟始居新安之隱塘為隱塘第一世遷祖其學遠宗洙泗近接饒陳竟委窮源遞相授受生平撰述甚富而四書輯釋尤為後學津逮昔潛溪宋公評曾南豐氏之文以為信口所談無非三代禮樂而寧都魏禧嘗論士之著書必如布帛菽粟可以救天下之饑寒乃可謂之著書嗚呼二公之言微先生孰與當之歟先生既養高不仕而次子尚德公明洪武間復以經術屢徵不起侍先

生階隱雲峯稱世德焉十二傳而至贈奉直大夫國勲
公公克昌先業隱塘之族甲於他姓後雖寄籍錢唐不
忘桑梓闢故址而充大之更欲為先生立倪氏家廟未
果而贈公老矣晚歲常集其子若孫誠之曰道川府君
祠堂缺如春秋蘋藻無有專所每用耿耿然吾非敢忘
之也歐陽公有言不敢緩蓋有待以俟汝曹異時功成
名立仕宦晉秩顯榮褒大庶幾廟貌尊崇潛德幽光永
永勿替今吾老且病迫不及待汝曹他日如吾願乃佳


否則吾室廬在故鄉者某水某坵歷歷可指汝曹擇而為之無令後世有不肖子孫化為榛莽此吾不得已之計策之次焉者也且夫古賢先師凡有裨於後儒者入學必釋奠合樂所在皆然至如鄉先生德業聞望素著既沒猶得祭於社况吾祖府君道周性全理學垂統有父之親有師之尊而棲神鮮堂構之嚴崇報之版楹之庇何以昭來茲飭稚昧哉遺言如此乃自贈公沒後諸子若孫各從遠宦而留居支庶不能負荷遽使高明之

室再過為墟幸有外門一區墻宇四周向為族子借居
巋然尚存贈公之嫡子孫居於杭者公議改為祖祠族
中賢哲光日明經等願司其事且以此意遍告宗人宗
人無不欣悅方將製室以式致祭以時蓋無俟庀材召
匠而前有堂後有寢東西有序又有樓以藏器具廚
竈鐺斧之所以備粢盛犧牲之烹割即不如古人廟制
之宏深肅穆而足以妥先靈合宗族隱塘餘慶正未有
艾此固道川先生之流風遺韻久而彌新而奉直公之

貽謀亦遠且大詎非甚盛之舉哉國璉與奉直諸孫濤等素篤宗盟常同遊處今備述顛末馳書於余求作碑文刻於麗牲之石余支派非隱塘然先生百世師也以同姓故得挂名其間何幸如之何榮如之遂不敢以不文辭復系之以詩云

斯文之傳聖不虛生聖人既沒道在六經孰為闡揚大儒以升厥有淵源授受分明紫陽而後饒陳崢嶸先生紹之拳拳服膺功歸著錄掇拾菁英隱塘學派詩禮趨

庭施於孫子綿綿繩繩迨十二世哲嗣雲仍門閭光大
積善餘徵臨沒遺言祠堂未成棲托缺如曷供椒馨爰
望後人是經是營外門一區有堂三楹庖廚廊廡不煩
變更奉先生祀秋嘗冬烝孫曾合議宗族分承以妥以
侑籩豆銅羹嗚呼先生鄉邦之楨表章功鉅日曜星晶
風韻所被山高水清豈惟一家奉厥榮盛凡夫族人奔
走惕兢億萬斯年勿墜典型



六藝之一錄卷一百二十三

欽定四庫全書

子部

六藝之一錄卷一百二十四
五四

詳校官中書_臣陸 湘

貢外郎_臣牛稔文覆勘

總校官檢討_臣何思鈞

校對官編修_臣沈清藻

謄錄監生_臣朱上林

欽定四庫全書

六藝之一錄卷一百二十四

錢唐倪濤撰

石刻文字一百

庚子銷夏記歷代碑刻題跋

漢

五鳳二年殘字

昔歐陽公著集古錄不得西漢字劉原父出守秦中
得故銅器數件以款識寄之得償其願蓋碑文起於

東漢而西漢無之也金明昌中詔修孔廟於靈光殿
基西南三十步有太子釣魚池取池石充用得一石
刻曰五鳳二年魯卅四年六月四日成十三字按五
鳳乃宣帝時號字形樸厚此西漢之物絕無僅有者
也使歐陽公當日見之不更爲欣慰耶

冀州刺史張表碑

余從故內得漢碑四種一涼州刺史魏純碑一闕
字周闕碑一太保高峻碑及張冀州碑而四三碑斷

折已甚惟冀州碑完整如新搨且書法遒整有古致
漢石之鴻寶也宋人孫宗鑑曾得之極為珍重此本
殆宋前物也見者亦罕矣

張冀州碑載集古錄魏涼州碑載金石錄已言文字
殘闕至斷字碑及高峻碑歐陽趙氏俱未見也古蹟
在世遁於見聞者亦多矣

魯相韓勅造孔廟禮器碑

孔廟禮器碑建於永壽二年碑完好所缺不多而筆

法波拂具存漢碑存世者不必皆佳而以遒逸有古致者為上如此碑者未易屈指也書法之美舊石之完書家得此與曹全碑而從事焉他可無問矣余初得一本珍襲之又以羅小華墨一大笏易得一本以為副真如乞兒暴富矣

集古錄云韓明府名勅字叔節前世見於史傳未有名勅者豈自余學之不博乎春秋左氏傳載古人命名之說不以為名者頗多故以勅為名者少也

廣川書跋云考之字書勅字從來謂誠也按韓明府自名勅爾古者以勞賚為勅勅為賚音其文為採別體當南齊時有劉勅為內史則古人名勅何世無之觀廣川之跋是博如文忠猶有誤疑也學問一事寧有盡哉故兩錄之以見余雖老未敢廢學也

魯相乙瑛請置百石卒史孔龢碑

孔廟卒史碑文既爾雅簡質書復高古超逸漢石中之最不易得者都玄敬謂此碑殘闕余所收本則完

善當在都所見本以前後云後漢鍾太尉書則後人附會之耳

魯相史晨孔子廟碑 前碑後碑

史魯相有二碑石皆完好字復爾雅超逸可為百世楷模漢石之最佳者也前碑載史姓字爵里於建寧元年四月十一日戌時到官乃以今日拜孔子即修禋祀罷歛錢後碑史自出俸錢家穀以供禋社於建寧二年三月癸卯朔七日上尚書時副言太傅太尉

司徒司空大司農蓋國有大造司徒司空通而論之
史不以案食小節自忽必上之尚書請之天子亦賢
矣哉

泰山都尉孔宙碑

孔季將碑字法古逸尚有分體漢石之佳者王元美
乃謂文與書皆非甚矣鑒定之難也秦人郭宗昌金
石史云漢太山都尉孔宙融父也史作佻趙明誠歐
陽公王元美皆謂卒以延熹四年元美謂又四年都

尉廢廢三年長子褒坐融匿張儉抵罪時融年十六
宙卒時僅九歲按建寧二年張儉舉奏侯覽誣儉鉤
黨刊章討捕時融年十七非十六也又按碑宙以延
熹六年正月乙未卒甚明三公皆謂四年何也又按
融建安十三年卒年五十六則是永興元年癸巳生
至延熹六年癸卯融正十一非九歲也夫以丈舉望
繫漢鼎橫遭賊瞞荼毒海內痛之其卒年史不應浪
書至云融年十三喪父史亦矛盾當以卒年及碑為

正此段可正史之誤附錄之

博陵太守孔彪碑

按彪為孔子十九代孫仕終河東太守而碑額仍云博陵太守或碑乃博陵故民所建每閱漢人碑陰載出錢名氏或其門生故民非其子弟所置也彪名及字元上碑中猶存集古錄謂名字磨滅不可見豈當日所見不及今本耶書法娟美開鍾元常法門矣

邵陽令曹全碑

曹景完碑萬厯間始出邵陽土中中惟一因字半缺
餘俱完好且字法道秀逸致翩翩與禮器碑前後輝
映漢石中之至寶也萬厯中河南土中並出尹宙碑
字不逮此然完好可讀每閱集古錄金石錄及近代
都玄敬楊升菴諸書嘆古刻石日就銷列入目者日
艱然如曹尹二碑前人所未見也秦人王弘度字文
舍從余遊酷愛古刻每向余言秦中石刻自經冠禍
焚蕩無餘間存有者州縣憚於應上司之索取乘亂

搥毀恐此後秦無石矣故舊石搥本有存者所宜共寶也

北海相景君碑 又碑陰

景君碑據金石錄云在濟州任城縣今乃在濟寧州學不知何年移此此碑集古錄云文字漫滅金石錄云此碑最完何也豈搥者有先後耶余所收本文已漫滅惟碑陰差存其書方整有分法王元美稱之曰古雅非濫美也

淳于長夏承碑

金石錄云碑在洺州元祐間因治河隄得於土中刻書完好如新余所收亦無剝落者其字隸中帶篆及八分洪丞相謂其奇怪真奇怪也有疑其偽者然筆致有一段英毅之氣決非後人所能及元人王惲謂為蔡中郎書恐未必後刻建寧三年蔡伯喈書後人附會其說耳漢碑如郭有道碑最是名跡今假刻可厭之甚何可與夏碑同日語耶

司隸校尉魯峻碑

魯仲嚴碑已剝落不可讀然其所存字分法勁拔古雅漢石之佳者楊升菴云魯峻碑水經注以峻為恭趙氏謂方輿志寰宇記皆作峻而辨水經之誤予家舊藏此碑峻字明白可識趙氏何必證之以地理書也鄭夾漈又謂此碑書於蔡邕按徐浩古跡記其叙邕書惟三體石經西華光和殷華馮敦數碑及考其他字書亦未聞邕嘗書此不知鄭氏何所據也

魯峻碑陰

魯峻碑陰視前碑較完可讀蓋為可珍不知集古錄
金石錄及隸釋何以俱遺而失載耶近日秦人趙岫
著石墨鐫華極力搜借並前後碑俱未入目甚矣古
今翰墨信有緣也

執金吾丞武榮碑

武榮碑久稱殘剥集古錄載其名金石錄並不載然
石非全磨滅者文既簡質字亦如之自是東京風格

可珍也榮之父吳郡丞武開明兄燉煌長史武班俱有碑載金石錄何以獨遺此碑耶

竹邑侯張壽碑

張竹邑碑在城武縣僅載集古錄他書俱不載近日好古如楊升菴諸君亦未見也碑文簡質字法古雅具見漢人風格

巴郡太守樊敏碑

樊巴郡碑建於建安十年不知今在何地余所收本

無一字殘缺題額及鐫書人劉武良名俱全而書法
道勁古逸尤為可寶集古金石二錄俱不載豈近代
始出現耶金石古文載其文至銘辭缺六字又誤四
字余憑此碑改正

辭曰演元垂

像

岳瀆

治匠

兮金精火佐實生

賢兮

豈

欲救民德彌大兮遭逢陽九百六會兮當

舉

遐季今遂逝逡巡兮嗚呼哀哉

懷收

魂神

裕

兮

古文之缺當存其舊若妄加改竄非其質矣辭中誤
四字視原文不及遠甚誤耶故耶楊升菴之病多坐
此

蕩陰令張遷碑

張蕩陰碑建於中平十年石完好無缺而書法方整
爾雅漢石中不多見者考之通志金石略既無其目
而集古錄金石錄及隸釋隸續並不載豈亦出自近
代耶而近代人如秦中趙岫及郭宗昌搜訪舊碑亦

不之及何也此碑及樊巴郡碑俱完整而佳一旦獲見前人所未見天下事孰有快於此者乎

李翕析里橋卹閣頌

李翕在武都為析里橋一事有碑有頌余所收本字極完整所缺不過六七字但有頌而無碑集古錄云頌後又有詩皆磨滅不完今詩固可讀當是集古錄以前搨惜歐陽公未見也又金石錄止載碑未見頌廣川書跋亦止見頌未見碑天下事固難兼也

白石神君碑

白石碑不甚剝落光和四年民蓋高等為無極山詣太常求法食至六年而衆民比例為白石神君以請碑文云居九山之數三條之壹語殊荒唐

魏

魏百官勸進碑

勸進碑為梁鵠書歐陽公云嗚呼漢魏之事讀其書者可為流涕也鉅碑偉字其意惟恐傳之不遠也豈

以後世為可欺歟不然不知耻者無所不為乎

何元朗謂隸書當以梁鵠為第一是隸書之祖余謂不然漢隸雍容古雅卓然千古梁鵠所書古削寡情矯強未適視史晨韓勅諸碑相去千里矣古謂書關世代豈不信然

梁鵠字孟皇安定人以善書為北部尉後依劉表及荊州平曹瞞募求鵠鵠懼自縛詣門署軍假司馬使在秘書曹常懸其所書帳中或釘壁上玩之謂勝師

宜官元人吳獻褚與及明文徵明皆學其書然終是
魏人隸槩謂之漢誤矣

受禪碑

此碑余家有舊搨本無一字斷裂上有晉府圖書蓋
宋時搨也書法同勸進金石史云雖小遠漢人雍雍
雅度衫履自飭亦復矯矯余按此碑者人謂王朗文
梁鵠書鍾繇刻石為三絕碑顏魯公謂為繇書

黃初制命碑

何元朗謂孔廟碑陳思王文梁鵠書為二絕此矮人觀場語也余觀其碑矯厲方板無論不及漢且遜受禪碑矣當時曹瞞假立名義弋取漢鼎子丕濟惡父子兄弟倫理乖數千古異變乃欲矯祀孔子以掩世目而書者此中寧無椽杅有中形外宜其書法不及東京孔廟諸碑也

鍾繇賀捷表

賀捷表歐陽公考當日破關公年月不合疑其為偽

黃長睿又考之魏史斷其為真然此表舊傳有大小二本不同歐陽公以小者差類繇書余所見者乃小本然不知出誰氏之臨摹也余每言鍾書以右軍臨者為正如右軍書以唐人雙鉤者為正也

鍾繇薦季直表

薦季直表前此未見古刻止於華氏真賞齋帖見之謂真蹟在沈啟南家華氏得之上石一時盛傳以為奇蹟然乎否乎世豈有晉蹟存於千二百年之後者乎其書

雖稍有隸體但娟娟開俗學之漸視力命墓田諸刻端勁且有典刑相去徑庭矣其為宋元人僞作無疑也

隋

皇甫誕碑

皇甫君隋人而碑則立於唐歐陽詢書其筆帶有漢人分法是率更得意之書王元美云比之諸碑尤為險勁是伊家蘭臺發源信然蘭臺道因碑筆筆帶批得之家學也此碑舊在陝西鳴犢鎮後移西安府學

萬歷戊子提學余君房作亭覆之丙申亭圯壓碑中
斷余所收雖稍有剝落然是未斷前本也

龍藏寺碑

真定府龍興寺有隋人龍藏寺碑其書方整有致為
初唐諸人先鋒可存也至碑立於隋開皇六年齊己
久滅張公禮猶稱齊官書者不以為嫌當時不以為
禁此皆尚有古道尤可紀也

唐

唐刻虞世南孔子廟堂碑

廟堂碑為虞永興得意之書貞觀四年碑成進墨本
賜以王逸少所佩右將軍會稽內史黃銀印當時車
馬填集碑下毡榻無虛日故未久而壞至五代王彥
超翻刻之止存其郭廓耳今觀此本珠員玉粟神采
照映信為千秋至寶唐搨久亡恐世無二本昔宋人
榮咨道以錢三百萬購唐搨本在彼時已難得如此
矣金石錄云廟堂碑武德時建而題曰相王旦書額

者蓋應額無額武后時增之爾至文宗朝馮審為祭酒請琢去周字而唐史遂以此碑為武后時立誤矣五代重刻廟堂碑

唐刻廟堂碑既泐王節度取原碑勒石故初搨字已不全雖神采大遜然猶虎賁之於中郎也近得一本乃以孔廟本與西安本合裝者所缺不多市賈蓋欲以唐刻誑人耳

金石史云唐書法以歐虞並稱然前人云歐若狂將

深入時或不刊虞若行人妙選罕有失詞又虞剛柔
內含歐筋骨外露君子藏器以虞為優固當至謂秀
嶺危峰處處間起則非也歐虞固可並稱今止存一
廟堂碑已經五代翻刻丰神尚爾映發初刻更不知
何如也

虞永興破邪論

永興小楷余所藏乃宋人博古堂藏本余有跋云虞
永興之書師智永然永書絕綿密虞加之以秀朗遂

覺出藍吾家有唐拓廟堂碑此論亦唐石宋拓本與
廟堂形有大小而精采無二雖石理稍泐而筆致翩
翩於分行布白間真絕構也有唐三百年書法當以
永興為第一而永興書又以破邪論為第一

虞世南昭仁寺碑

昭仁寺碑為朱子奢文不著書者名鄭樵金石略以
為虞世南細閱之筆致娟秀爾雅非永興不能也舊
唐書載貞觀三年詔建義以來交兵處為殞身戎陣

者各立一寺令虞世南朱子奢等為之碑此碑立於
幽州乃破薛舉處也文既為朱則字為虞更足據耳
褚遂良孟法師碑

河南此碑員勁而深厚猶存古隸遺意是其得意書
且舊石完好斷落僅二三字傳世極少人鮮見者余
得故太保吳國華家聞太保讀何元朗集謂此碑之
妙生平止於無錫秦氏見一本吳乃使人往江南物
色之而得蓋墨寶也

褚遂良倪寬贊

倪寬贊乃河南書字法帶隸極古道余未見石刻此乃韓宗伯敬堂從所藏墨跡勾勒上石者金壇王氏又重刻之不逮韓氏本矣

褚遂良度人經

靈寶度人經褚河南書閣立本畫宋時藏韓城范氏家元祐中上石此宋榻也稍有缺字乃原本壞非石泐也字法娟秀真有美人不勝羅綺之致河南公大

節凜然而書法乃如此與余家所藏孝經墨蹟細看
無毫髮異而孝經乃至聖所作度人經則幻妄邪說
耳固知余所藏之為寶也

褚遂良小楷陰符經

晉人無蠅頭小楷其法至歐虞而精而褚尤生動永
徽中公奉旨書一百三十卷此其一也

褚遂良草書陰符經

河南草書陰符經字法步趨二王而微帶章草風神

瞥映機致流轉孫虔禮書譜脫胎於此貞觀中奉勅書五十本此其一也

高宗萬年宮銘

初唐帝王留心書學太宗每得二王帖輒令諸王臨五百遍別易一帖故所書多可觀至太宗晉祠碑不見佳不如淳化帖中諸書高宗萬年宮銘筆致生動有晉人遺致似勝所書李勣碑

萬年宮碑陰題名

碑陰五十餘人長孫無忌李勣褚遂良皆與焉書名
大小不倫然皆有法即契苾賀蘭亦不草草唐人能
重書學如此

趙德父云每覽此碑未嘗不掩卷太息以為善惡如
水火決不可同器惟人主能辨小人而遠之然後君
子道長而天下治若俱收並用則小人必得志小人
得志則君子必被其禍如無忌遂良是已然知人帝
堯所難非所以責高宗也可稱篤論故附之

睿宗景龍觀鐘銘

睿宗景龍觀鐘銘楷書帶有隸篆然文弱如儒生宜其靡靡不振也且書各有體不得相混如大小隸即楷也寫楷書者亦惟用其法而不用其象故佳況楷豈可兼篆乎閱李仲璇孔廟碑忽楷忽分忽篆令人噴飯睿宗殆襲其遺跡耳

相王所書順陵碑字法道逸整潔唐妙蹟也其中多用武后新字且自稱周唐之子孫何不類至此令人

欲唾此碑豐大之甚至萬厯乙卯地震而仆縣令取其石脩河今已亡矣余所收乃吳氏家舊本

玄宗紀太山銘

唐初諸人隸古猶略存漢法如孔廟諸碑是也至玄宗而始一變力趨豐艷漢法蕩然矣所書太山銘字大七八寸雄偉可觀絕勝他書是其最得意筆王元美云余嘗登泰山轉天門見東二里許穹岷造天銘書若鸞鳳翔舞於雲烟之表為之色飛惜其下三尺

許為搨工惡寒篝火焚蝕遂缺百餘字云余所收本
完善無一字缺者殆二三百年前物也其餘如孝經
鄔國公主碑尚書楊珣碑皆舊搨然俱遜太山銘矣
聞易州有正書道德經近在咫尺又未見也

歐陽詢醴泉銘

趙子固謂率更化度醴泉為楷法第一今其碑俱在
誠第一也余向年於王公惟儉家得醴泉善本僅缺
數字滄桑後竟失之丙戌之春復得此本故尚方物

也雖缺廿餘字然搨法甚精昔人所稱草裏驚蛇雲
間電發森森若武庫矛戟者備現紙上今人絕不能
有此擅蠟真宋人筆也率更正書多帶隸法如首行
宮字左點作豎筆正鋒一畫乃隸體近年搨本竟是
一點大失書家妙旨矣此搨之所以貴舊也

歐陽詢化度寺舍利塔銘

化度銘字法視醴泉差小而整秀則同其石舊在關
右南山佛寺宋慶厯間開府王雍過寺見之詫為至

寶寺僧聞之誤以為石中有寶也破石求之弗得弃之寺後他日王公再至失石所在問之僧具以實對公尋獲之已三斷矣乃以數十縑易得載歸置里第賜書樓下靖康之亂取藏井中兵後好事者出之爭相搥搨遂碎之世無復有此石矣此本得之故恭順侯家清勁而有神采誠所謂至寶也元人王惲云化度碑率更規模一出黃庭至奇古處乃隸書一變耳歐陽詢溫虞公彥博碑

溫虞公碑雖已泐然所存者風格整峻至同年張坦公處見一臨本靡靡矣王元美云如郭林宗標格清峻而虛和近人信然攷溫公卒貞觀十一年是時詢本年已八十餘而楷法精神如此集古錄云按唐書溫大雅字彥弘弟彥博字大臨弟大有字彥將兄弟義當一體而名大者字彥名彥者字大不應如此此誠不可曉附錄之

歐陽詢九歌

率更有小楷千文及九歌余未見千文至九歌晉府所藏上有其印乃宋搨之精者昔董玄宰先生見於朱御醫家謂世無二本廻環胸中二十餘年誠希世之珍世人艷稱化度碑政未見也

率更九歌宋人刻於長沙至南渡石已不存精妙宛如手書昔山谷謂唐彥猷得率更真蹟數行精思學之遂以名世人能於此帖致精焉不患不名世矣余恨相見之晚也

歐陽詢心經

金石略載率更心經在饒州是貞觀九年十月書於
白鹿寺楷法精嚴而又寬展自如筆墨外有方丈之
勢如郭恕先畫樓閣纖微合度了無安排真千秋絕
調也米元章謂其真書直到內史此經足當之非溢
美矣

歐陽通道因碑

蘭臺父子齊名號大小歐陽然率更世傳數碑而蘭

臺止存一道因碑率更楷法源出古隸居唐楷第一而蘭臺早孤購求父書不惜重貲力學不倦作書每用批法蓋學其父也余得宋搨善本遂與率更碑合裝之

李邕雲麾將軍李思訓碑

李思訓碑為北海最妙之蹟今殘剥已甚余所收止缺一二字宋以前搨本舊藏京師李貢士家為趙文敏故物其題簽乃手書也崇禎辛未李貢士攜以相

贈帖之四隅久已泯爛裱背紙乃宋戶口冊乃重裝之攜至任所相隨三十年兵火後已失復得蓋異緣也李北海有兩雲麾碑一李思訓一李秀官同姓又同思訓碑在陝西秀碑在良鄉秦人著石墨鐫華者誤以為一碑且以此碑為趙文敏所臨誤矣良鄉碑不知何時入都城宛平令掘地得六礎洗視乃雲麾碑建石墨齋以貯之不知又何時移至少京兆署中止二礎其四礎傳謂萬歷中京兆王惟儉攜去汴中

金石錄云明皇以天寶三年改年為載今此碑元年正月立而稱元載附記之俟考李之名蹟如李秀碑及娑羅碑東林碑余所收俱翻刻本娑羅碑登州張司寇忻有舊榻乃邢子愿物余曾借閱今張死而絕碑帖不知何在矣

李邕岳麓寺碑

岳麓碑雖已殘剝然其鋒穎尚凌厲不可一世北海奇人故所書爾爾昔俞仲蔚謂此碑勝雲麾必有所

見也

北海書宋初人不甚重之至蘇米而稍襲其法又至
趙文敏每作大書一意擬之矣北海諸碑皆手自鐫
所云黃仙鶴伏苓芝無其人而托名也歐陽公云李
邕書余始甚不好好之最晚譬猶結交其始也難則
其合也必久全

李邕歙州刺史葉慧明碑

葉歙州碑乃八分書道雅大有東京遺意久傳為北

海書然碑首斷落不敢定金石錄載有道先生葉公
碑而不載此碑又趙明誠錄有道二碑一為邕行書
一為韓擇木八分書此碑乃八分書韓耶李耶姑闕
疑可也然其書佳甚日數閱之而不倦

漢碑有隸有八分八分亦隸也今之正書亦隸也趙
明誠謂歐陽公誤以八分為隸公實不誤耳

北海書始變右軍行法頓挫起伏李陽冰謂為書中
得仙手

顏真卿書郭氏家廟碑

碑在今陝西布政司乃汾陽父敬之廟碑文與書皆
出魯公手以一代偉人之家廟非得一代偉人之書
不足當之可稱古今二絕碑陰載汾陽兄弟九人皆
列大位不止史所傳幼明一人也所載汾陽封拜亦
與史小異

顏真卿書臧懷恪碑

臧將軍碑視魯公他書差勁峭且石又完好鋒穎都

具墨寶也

顏真卿書東方朔贊

此讚在山東陵縣書法較他刻更嚴整余以曼倩生平極恢譎後世乃有以極正之筆書其讚者使曼倩見之當為骨竦

顏真卿家廟碑

碑在西安文廟文刻四面制作精工魯公忠孝植於天性殫竭精力以書此碑而奇峭端嚴一生耿耿大

節已若顯質之先人矣

顏真卿八關齋會碑

八關碑在歸德府字法大徑三寸許方整而有風致
視他書更勝余向年官汴城於故家得一不斷本後
督餉彼中親至碑下見石尚完好今為時三十年於
宋長公輦搨寄此本乃碑之下段已盡泐落不勝憮
然

顏真卿書宋文貞景碑

碑在沙河縣書法方整中帶有虛和視他書稍異尤為可寶余以崇禎己卯於役河南親至碑下見石雖漸泐然規畫尚可撫摩因搨一紙置輿中共晨夕者經年近鶴少司馬達搨贈此本大不如二十年前者矣

顏真卿多寶塔碑

魯公諸碑惟此字法差小平易近人故學書家無不收置一本王元美云貴在藏鋒小遠大雅不無佐史

之恨其言誠有然者

顏真卿華岳題名

歐陽文忠集華石題名自開元至清泰五百餘人今
存者止魯公二石每見人妄希託石以傳而不知石
終托人以傳耳昔魯公每游名山必刻己姓名一置
高山之顛一投深谷之內曰焉知後世不有陵谷之
變耶古人重名所以重其身今人不重其身只因不
重名耳

顏真卿麻姑仙壇記

撫州有魯公仙壇記字形大如指頂筆筆帶有隸意
魯公最得意書也不知何時毀壞世無見者余收此
本得之故恭順家宋以前搨楮墨精好最所秘惜至
行世蠅頭小書乃慶厯中人偽書載金石錄而今舉
世奉為楷模誤矣杭州姜滙思有宋搨大觀第九本
帖余家正少此乃持以換仙壇本去今所觀者乃忠
義堂中本耳

歐陽文忠云顏公忠義之節皎如日月其為人尊嚴剛勁象其筆畫而不免惑於神仙之說釋老之為斯民之患也深矣

顏真卿爭坐位書藁及二祭文藁

宋搨魯公坐位帖及二祭文皆手稿也而坐位一帖尤米元章所極力規撫不能得其彷彿者蓋其書鬱勃竒宕渾以天行而無跡可求故令人自遠也魯公與素師論書素曰如折釵脚公曰何如屋漏痕素撫

其背曰得之矣公所得於悟後者盡露三帖中矣

顏真卿鹿脯帖

宋搨鹿脯帖與三稿稍異而沉毅激昂力透紙背書至此神矣聖矣吾每觀張長史真蹟氣韻古字此帖無不一一宛合魯公言累代書法皆手傳口授以至長史公之所得者深矣書之一道可漫然而為之哉顏真卿書清遠道士詩及和韻

魯公以正書書清遠道士詩及和詩端勁中氣韻冲

夷求之碑板中微與宋文貞碑相類魯公所謂如印
印泥如錐畫沙於此求之思過半矣

魯公學書於張長史言長史楷法精詳特為真正此
見書中以楷為重魯公楷書帶漢人石經遺意故祛
盡虞褚娟媚之習此或長史口授法乎宋人謂魯公
真不如行有意不如無意此非知魯公者也宋人無
真楷坐是故耳魯公書道輝映千古終以楷為極則
也

顏魯公忠義堂帖

宋人有忠義堂祀顏魯公嘉定間劉元剛刻魯公帖
置其中極其勁秀計十卷末卷有嘉定丁丑東平鞏
嶸跋余僅得八卷貯海雲閣元王秋澗云觀顏魯公
忠義堂帖偶悟公書勁而潤蓋筆善轉而韻勝故也
徐浩題經記

徐季海書名最噪當世贊其書曰怒猊抉石渴驥奔
泉當時司空圖極愛之余所見其石刻最少如嵩陽

觀隸碑勢魄亦覺軒翥然終唐法耳至不空和尚碑亦止見平正求如所謂怒猊渴驥者無有也聞王長垣文孫有題經記因借觀指頂正書端疑而有風骨墨寶也帖為賈似道家物乃世綵堂裝潢恐世無二本

六藝之一錄卷一百二十四